



Decanus Facultatis Iuridicae In Alma Salana Johannes Suevius D. L. S. :
Quemadmodum illi, qui longe dissitas regiones peragraré ... Valeté &
favete. 2. Mart. 1634.

Jena

Suevus, Johann

Phil 2° 00268/04 (087)

https://dhb.thulb.uni-jena.de/receive/ufb_cbu_00007376

urn:nbn:de:urmel-edb85ef9-010f-44e2-b276-264693efb3af1-00006741-12

Lizenz: <https://creativecommons.org/licenses/by-sa/4.0/>





urn:nbn:de:urmel-edb85ef9-010f-44e2-b276-264693efb3af1-00006741-12

DECANUS FACULTATIS IURIDICÆ IN ALMA SALANA

JOHANNES SUE- VIUS D.

L. S.



*Q*uemadmodum illi, qui longè disitis regiones peragrarè, moresq. populorum cognoscere cupiunt, minùs molestiarum percipiunt atq. difficultatis, si rationem viæ, rectè eò, quo pervenire cupiunt, ducentis, diligenter explorant, ita & illi, qui ad Jurisprudentiæ sacra feliciter trañanda animum appellant, duo cumprimis semper ob oculos habere debent, sinem nempe atq. medià ad consequendum illum, ducentia. Finem Jctus Ulpianus assignat, Veram ut Philosophiam non simulatam afficemus. In id utiq. omnes cogitationes, curam atq. industriam intendere convenit, ut cum è philosophorum Lyceo quispiam dimissus est, omne momentum in eo ponat, quomodo ipse, cum Dei sacris vacare Sacerdotes oporteat, Justitiæ instar Deæ Sacerdotem agat, pietatem colat, optimis deinde sese præceptoribus cõmittat, præstantissimos, quemq. in sua arte, authores sepe multumq. perlegat, ex iis ea, quæ ad usum sunt accommodata, exscripta atq. exigentia colligat, eaq. in pectora animosq. dimittat; leviora si qua occurrunt, annotamenti interspergat, neq. in hisce, instar Apionis, qui Homeri animam ab inferis dicitur evocasse, non ut præclara quedam disceret, sed ut rogaret, quibus ille parentibus esset genitus, diutius inhereat. Hoc iter Antecessores, quos juris Antistites vocamus, ingressi, artem boni & æqui in tantum fastigium, ut & Barbaris Romane leges admirationi sint, evexerunt. Horum vestigia tenaciter sibi premenda putavit Præstantissimus Vir Dn. Ernestus Christianus Hedemannus. Natus is est Cellæ Anno 1610. 14. Novemb. Patre, Viro Magnifico, Nobilissimo, Amplissimo & Consultissimo Dn. Erico Hedeman Jctro, Sacri Cæs. Palatii Comite, Serenissimi ac Potentissimi Principis ac Domini, Dn. Christiani IV. Dania, Norwægiæ, Gothorum & Vandalorum Regis &c. Illustrissimi ac Celsissimi Principis ac Domini, Dn. Friderici, Slesvici, Holsatiæ, Ducis &c. nec non Illustrissimi & Generosissimi Comitis ac Domini, Dn. Anthonii Güntheri, Comitis in Oldenburg & Delmenhorst &c. respectivè Cancellario & Consiliario intimo, hæreditario in Dorsie. Matre verò Nobili, Catharina, Nobiliss. quondam Amplissimi & Spectatissimi Viri Dn. Georgii Sischers/ Comitatus Diepholdensis Præfecti fidelissimi Filia, Instruētus informatorum domesticorum ope & operà humanioribus literis & linguis, de horum consilio & fructu Anno 1627. Menfe Aprili Marpurgum se contulit, ubi primum quidem studio Philosophico invigilavit, postea eo paulatim seposito, Juris studio se mancipare cepit, Amplissimi ac Consultissimi Viri Domini Johannis Kornmanni, J. U. D. & in Inchyta Academia Marpurgensi, Philosophie Præctice Professi. Publ. Collegiis Institutionum tam Lectoris, quam Disputatoris interfuit. Biennium ibi commoratus Patriam revivere coactus est, Unde Anno 1630. hanc Salanam accessit. Initio Collegium Institutionum, quod Clarissimus Vir Dn. Georgius Heberer/Candid. Utriusq. J. aperuerat, absolvit. Hinc sub Præsidio Viri Amplissimi, Consultissimi, Excellentissimi Dn. D. Valentini Riemeri, Reſtoris bodiè hujus Academiæ Magnifici, leſtissimiq. Collegæ, & Compatri mei honoratissimi, in Collegio VVelenbeciano & ipsiusmet Decadibus Disputationum cum aliis disseruit. Deinde, Præside Viro Nobilissimo, Amplissimo, Consultissimoq. Domino D. Dominico Arumgo, Seniore Collegii Juridici & Professore integerrimo, in Lobedà & Gefchwitz Heregnif. Dn. Reſtoris in Tractatu de Actionibus singulari, eum se, quem futurum aliquando se omnibus viribus contendit, itidem præstitit. Innotuit ergo, ut apparet, non ex unius alteriusvè erga se studio & commendatione, sed ex sua ipsius erudità doctrinà atq. industrià literata nationis judicium provocavit sane quàm honestissimum. Quapropter cum nuper ad jussum Domini parentis, quem honoris causa nominamus, apud Collegium nostrum nomen proficeretur, & libenter petitioni ipsius annuimus, & besferno die Tentamen, ut appellatur, aperuimus. In quo ita stetit, ut & eruditionem nobis suam proharverit abundè, & favorem nostrum ita provocaverit, ut ad Lætionem cursoriam ultro ipsam admiserimus. Resolvit autem, inter doctos opinionum diversitate obscuram, & ob antiquitati immerfam & latentem rationem explicatu difficilem, L. Imperium, 3. de Jurisd. ad diem, D. eo ita volente, Jovis hora IX. pomeridiana. Adeste Viri atq. Juvenes bonarum partium, & facite, æquanimis vestra Candidatorum augeat industriam. Valete & favete. 2. Mart. 1634.

TYPIS ERNESTI STEINMANNI.

urn:nbn:de:urmel-edb85ef9-010f-44
e2-b276-264693efb3af1-00006741-29